



# FRESNO POLICE AND NEIGHBORHOOD WATCH COMMUNITY NEWSLETTER

Peb yog ib lub koos haum nonprofit 501 (c) (3) koom tes nrog cov zej zog thoob plaws lub nroog Fresno los  
tsim kom muaj cov zej zog zoo dua thiab muaj kev nyab xeeb rau txhua tus.

Fresno, CA

Tshaj Tawm  
1<sup>st</sup> Edition

## QHIA \* TXHAWB ZOG \* KEV TXUAM YUAJ

NOVEMBER 2022

**Hauv tsab ntawv  
no:**

- ★ **1- Pab Pawg Saib Xyuas Neeg Zej Zog Tshiab**
- ★ **2- Cov Neeg Tseem Ceeb**
- ★ **2B- Lub Teeb Tau Hloov Tes Lawm**
- ★ **3- The Roz Clark Award (khoom plig)**
- ★ **3B- Koj Yuav Pab Koj Cov Neeg Zej Zog Li Cas?**
- ★ **4-6 Xov Xwm Ib Cheeb Tsam**
- ★ **7- Xwm Txheej Yav Tom Ntej & Lus Qhia Txog Kev Nyab Xeeb**



Neighborhood Watch yog ib pab pawg los saib xyuas neeg zej zog. Neighborhood Watch muaj tseeb thiab yog ib qho qub tshaj plaws uas feem ntau paub txog hauv keeb kwm ntawm kev tiv thaiv txoj kev ua phem. Txawm tias qhov kev pab cuam lub tswv yim niaj hnuv no nce mus rau qhov tseem ceeb thaum xyoo 1960, los qhov keeb kwm ntawm Neighborhood Watch taug rov qab mus txog rau thaum neeg pib tsim teb chaws, thaum lawv tseem muaj cov tub ceev xwm saib xyuas thiab taug txoj kev thaum hmo ntuj. Cov qauv niaj hnuv no ntawm Neighborhood Watch Program tau tsim thoob plaws lub tebchaws los ntawm cov koom haum tub ceev xwm. Cov koom haum no nrhiav ib qho kev pab cuam los koom tes nrog neeg zej zog, los tiv thaiv txoj kev ua txhaum. Xyoo 1972, National Sheriffs' Association (NSA) tau coj lub tswv yim ib kauj ruam ntxiv, los ntawm kev nrhiav nyiaj txiag los ua qhov kev pab cuam los pab tag nrho lub tebchaws. Ua tsaug rau qhov nyiaj pab los ntawm koom haum Law Enforcement Assistance Administration, thiaj tsim pib tau lub National Neighborhood Watch Program.

Fresno Police & Neighborhood Watch tau pib tsim los ntawm txoj kev siv zog thaum xyoo 1970, thiab tau muaj kev vam meej mus txog thaum xyoo 2000. Lub sib hawm thiab hnuv nyoog los nrog kev kis kab mob thoob qab ntuj, ua rau kev puas tsuaj los rau cov thawj coj, txoj kev pab cuam no thiaj raug kaw. Tus tsim Roz Clark thiaj yog tus khaws tus nplaim taws cig thaum lub sib hawm nyuaj mus txog thaum nws txoj kev tsim nyog mus so uas pib thaum lub 9 hli ntuj xyoo 2021. Cov thawj coj tshiab rov pib tsim kho lub koom haum, rov saib xyuas lub zeem muag dua, rov kho lub hom phiaj thiab tsim tsa lub zog los ntawm txoj keeb kwm uas tus tsim Roz tau tsim muaj tshaj 50 xyoo rhau los.

Thaum Thawj Coj Chief Paco Balderrama los txog hauv Fresno, nws yog ib tus neeg txhawb nqa loj heev rau txoj kev pab cuam thiaj coj DC Burke Farrah los ua haujlwm nrog Roz thiab lub koom haum los nrhiav cov neeg uas muaj txoj kev xav zoo ib yam los coj lub koom haum mus rau yav pem suab. Qhov tshwm sim yog nrhiav tau 3 tus poj niam thiab 1 tus txiv neej uas txawj ntshe thiab txiav txim tau siab, thiab muaj txoj kev tshaw los rov tsim kho qhov kev pab cuam. Lub City Council thiaj tau nqis peev los ntawm pob nyiaj pab keeb kwm rau lub koom haum kom rov pib qhov kev pab cuam thoob plaws lub nroog. Niaj hnuv no pab pawg tau npaj siab ua kom muaj zog tshaj plaws thiab tsim kom muaj kev sib raug zoo nrog tub ceev xwm thiab txhua haiv neeg ntawm peb lub zej zog.

Peb tau rov kho lub hom phiaj ntawm koom haum Fresno Police & Neighborhood Watch los Qhia, Txhawb Zog, thiab kev txuam yuaj los koom tes nrog neeg zej zog thiab cov koom haum hauv nroog los txhawb kho kev nyab xeeb thiab kev ua neej zoo rau txhua tus neeg hauv peb lub zej zog. Peb txhua tus tsim nyog nyob, ua hauj lwm, thiab ua si hauv qhov chaw uas muaj kev nyab xeeb.



Fresno Police and Neighborhood Watch



[Makefresnosafef.org](http://Makefresnosafef.org)

[contactFPNW@gmail.com](mailto:contactFPNW@gmail.com)



Fresno Police - Tsis Muaj Xwm Txheej Ceev

559-621-7000

Kev qhia hauv Online: [www.fresno.gov/police](http://www.fresno.gov/police)



TIP HOTLINE 559-498-STOP  
CLICK HERE TO SUBMIT A TIP  
DOWNLOAD OUR FREE MOBILE APP AT P3TIPS.COM

Xwm txheej ceev, lossis Kev txhaum tabtom tshwm sim

Hu Rau - 911

Code Enforcement - Txhaum Kev Cai los ntawm: kev nyab xeeb, kev lag luam, vaj tse tsis raug cai

Hu Rau - 311

Lossis Siv Tau FresGo App



[Android](#)



[Apple](#)

LUB TEEB TAU HLOOV TES LAWM



Tus Thawj Coj Mary Haskin yug thiab loj hlob hauv Fresno. 5 xyoo dhau los nws pib nug tias, "Peb puas muaj Neighborhood Watch pawg neeg zej zog uas saib xyuas hauv kuv cheeb tsam no?" Los txog rau hnub no, nws thiaj yog tus thawj coj tshiab ntawm Fresno Police & Neighborhood Watch pawg tshiab. Yog koj tab tom nug koj tus kheej cov lus nug no, mus rau [makefresnosafef.org](http://makefresnosafef.org) thiab mus kawm txog kev koom tes hauv koj cheeb tsam los pab kom tag nrho Fresno muaj kev nyab xeeb rau txhua tus.

Mary tau los saib xyuas cov haujlwm zoo kawg nkaus uas Roz Clark tau pib tshaj 50 xyoo dhau los, nws yuav coj lub koom haum mus rau qhov zoo mus rau yav tom ntej, nrog rau kev koom tes los ntawm cov tswv cuab hauv zej zog, cov neeg ua haujlwm pab dawb, thiab tub ceev xwm Fresno Police Department.

Kev siv zog los ntawm Fresno Police Department & Neighborhood Watch yog ib qhov tseem ceeb los pab thiaj tau txoj kev nyab xeeb rau peb lub zej zog. Koj cov nyiaj pub dawb muaj nuj nqi pab los muab kev thuav qhia thiab kev txhawb nqa rau ntau tus hauv peb lub zej zog. Txawm tias peb tsis tau txais dua kev faib nyiaj los ntawm Fresno City Council, los peb tseem xav tau kev txhawb nqa los ntawm cov neeg siab dav uas pub nyiaj dawb li koj, los pab txhua rau 5 cheeb tsam hauv lub nroog.

Yog tias koj xav pub nyiaj dawb rau peb lub non-profit, thov nyem hauv qab no: **PUB DAWB TAMSIM NO**



Cov tshev yuav tsum sau them rau: Fresno Police and Neighborhood Watch or FPNW. Tax ID 77-0003354. Peb yuav tsis thov daim npav khoom plig lossis lwm yam nyiaj xa hauv xov tooj. Thov muab nyiaj pub dawb xa tuaj ntawm [makefresnosafef.org](http://makefresnosafef.org) lossis xa mus rau: 2323 Mariposa St, Fresno, CA 93721 Attn FPNW.

# THE ROZ CLARK AWARD KHOOM PLIG

## Qhuas Txog Roz Clark

FPNW Founder Roz Clark pib Neighborhood Watch hauv Fresno xyoo 1970, 2 xyoo ua ntej uas muaj txoj cai National Initiative thoob tebchaws Meskas. Roz thiab Fred Clark yog tus tho kev ua haujlwm tsis kawg los txhawb lub zej zog thiab tub ceev xwm Fresno Police Department. Nkawv muaj ib koog tsev nyob ntawm txoj kev Glenn. Muaj ib hnuv, muaj ib tug txhais hluas tau khiav thiab qw nkag los rau ntawm nkawv tog tsev, nws qw vim tias muaj dabtsi ua rau nws ntshai. Roz dhia mus pab vim nws "lub zej zog" yog cov tu nws hlob txij li thaum nws tseem menyuaum yaus. Nws xav ua ib yam dabtsi los pab. Yog li, Roz txoj kev sib raug zoo nrog tub ceev xwm thiab lub nroog Fresno thiaj tau pib. Nws tau ua haujlwm ntawm IRS, yog li nws thiaj li pib lub koom haum non-profit Fresno Police & Neighborhood Watch Association. Nws txoj kev siv zog tsim tau ib lub koom haum vam meej. Ob tug Clark txoj kev siv zog nrog rau cov neeg zej zog thiab lwm cov koom haum hauv zej zog tau sib koom tes ua tau ntau yam zoo kawg nkaus. Ntau daim paib Neighborhood Watch hauv nroog Fresno yog teeb tsa los ntawm Fred Clark. Ob tug Clark dhia mus pab txhua zaus uas muaj xwm txheej ceev thiab npaj nqis tes los txhawb nqa lub koom haum.



*"Kuv txoj kev xav yog li no. Nws tsis yog KUV lub nroog xwb....nws yog PEB lub nroog. Txawm muaj dabtsi tshwm sim ntawm no los kuv tsis xav li cas, txawm yog los tsis yog, nws yuav los raug peb txhua tus." Txhua lub sibhawm uas koj ua tau ib yam dabtsi zoo rau koj lub zej zog, los pab lossis hloov mus rau qhov zoo, qhov ntawd yog ib qhov zoo tshaj plaws uas pab tau koj lub zej zog, vim cov neeg uas koj nyob nrog yog ib feem ntawm koj tsev neeg, ib feem ntawm koj lub zej zog."*

Zoo li txhua yam, lub sijhawm thiab lub hnuv nyoog tau ua kev puas tsuaj. Fred Clark tau tag sim neej ob peb xyoo rhau los, tiam si Roz nyob ua neej mus. Nws yog tus zog uas tsav lub koom haum Neighborhood Watch, tsis tas li, nws muab ib nrab ntawm nws lub neej los ua kev pabcuam pub rau tub ceev xwm Fresno Police Department thiab nws lub zej zog. Lub 3 hli ntuj tas los no, nws tau txais koob meej los ntawm ib lub koob tsheej qhuas txog nws txoj kev pabcuam Fresno. Muaj neeg muaj koob muaj npe tuaj koom coob, zoo xw li lub koob tsheej rov tuaj sib sau ua ke. Tub ceev xwm tau mus tos nws ntawm nws lub tsev, tswv zog Mayor Jerry Dyer thiab McGruff The Crime Dog los tos txais thiab coj nws nkag mus hauv chav koob tsheej. Hnuv ntawv, nws raug saib cuag li poj huab tais, nws tau ntoo lub kaus mom huab tais, nws txais kev zoo siab los ntawm ntau tug neeg uas hlub nws thiab hlub nws txoj kev ua hauj lwm zoo.

Lub City of Fresno muaj kev ris txiaj rau Roz thiab nws txoj kev pab. Peb thov kom nws mus zoo lub caij nws mus so haujlwm. .



**QHOV NO YUAV  
YOG TXOG IB QHO  
TSEEM CEEB  
NTAWM LEEJ TWG  
YOG LEEJ TWG  
HAUV ZEJ ZOG  
THOOB NROOG  
FRESNO UAS UA  
TAU ZOO LI ROZ**



Sab Laug mus rau sab xis.  
Retired FPD Officer Kurt Smith,  
Roz Clark, Mayor Jerry Dyer. Tag  
nrho pab lub koom haum thiaj  
tshwm sim tom qab xyoo 90

## Koj Yuav Pab Koj Cov Neeg Zej Zog Li Cas?

Brandon nyob rau Northwest Fresno pab nws tus neeg zej zog Maxine uas yog poj ntsuam thiab nyob ib leeg. Nws faib nws lub sib hawm ntawm nws lub tsev hauv Mariposa thiab nws lub tsev hauv Northwest Fresno. Brandon ib txwm saib Maxine lub tsev txawm tias nws nyob tsev los tsis nyob, thiab nws kho nws lub koob yees duab los yees ntawm Maxine lub tsev. Brandon nco nroov cab nws cov thoob khib nyiab, thiab khaws nws cov ntawv cia kom neeg phem txhob xav tias nws tsis nyob tsev es tuaj ua phem rau nws lub tsev. Brandon tseem ntxhiv koob yees duab mus yees txoj kev thiab 2 lub thawv xa ntawv ze ntawm nws lub tsev. Ua tej yam li no yog ib txoj kev zoo los saib xyuas koj cov neeg zej zog. Nug koj tus kheej seb koj yuav ua li cas thiaj yog ib tus neeg zej zog zoo dua.



# XOV XWM IB CHEEB TSAM



## NORTHEAST

Cov Maplewood Homeowner's Association ntawm N. Backer Ave tau tuav qhov kev sib ntshib koom txoos zoo tshaj plaws Neighbors Night Out tom qab ob peb lub lim piam uas lawv tau tham nrog Mary Haskin thiab Lt. Larry Bowlan hais txog kev ua kom lawv lub zej zog muaj kev nyab xeeb. Qhov kev tshwm sim muaj ntau yam khoom noj qab. Lawv tau txais tos tus thawj Coj Chief Paco Balderrama, Captain Jennifer Horsford, NE Bike Patrol, NE District Safety Team (DST) thiab US Attorney's Office! Cov menyuam uas tuaj koom nyiam thajj duab nrog cov tub ceev xwm thiab lawv tau txais lawv cov ntawv cim tub ceev xwm Fresno Police.

## NORTHWEST



Hauv Northwest, ib pawg li 50-60 tus neeg zej zog tuaj koom ua ke ntawm thaj tsam Grantland & Shaw. Khoom noj khoom haus thiab neeg zej zog yog ib qhov loj tseem ceeb rau hauv lub zej zog no, ua rau peb muaj kev cia siab. Ntawm peb thawj lub Neighbors Night Out, muaj zaub mov nrog rau lub tsheb taco, thiab Kona Ice. Cov menyuam nyiam lub rooj ua khoom ua si, pub dawb los ntawm Create Studio Fresno. Muaj ncaws pob soccer thiab pov pob football, ntau tus niam txiv tau pab nyiaj mus rau lub tsev thaws, thiab muaj kev sib tham zoo heev ntawm cov ntsej muag tshiab thiab cov ntshaj muag yus paub. Peb ntseeg tias cov neeg zej zog uas muaj kev sib raug zoo yog ib qho kev nyab xeeb dua. Hmo ntawv cov tub ceev xwm thiab tus thawj coj DC Burke Farrah tuaj koom peb. Nws yog ib hnuv zoo.

## CENTRAL



Manchester Park cov neeg zej zog tau pib npaj lawv pab pawg 5 xyoo dhau los. Lub hom phiaj yog kom koom nrog ntau li ntau tau kom tshaj 325 tsev neeg. Kev sib txuas lus thiab kev koom tes yog qhov tseem ceeb rau lawv txoj kev vam meej. Lawv tau muaj ob peb qhov teeb meem tseem ceeb txog kev ua txhaum, lawv thiaj tau koom tes nrog tub ceev xwm nrog rau Code Enforcement thiab tus Councilman. Lub zej zog tau mob siab ua haujlwm nrog Fresno City Parks Administration los kho Manchester Park. Lawv pib sib txuas lus los ntawm Next-door App thiab tau hloov mus rau pab pawg xa ntawv text. Ntau tus neeg zej zog xav tias muaj kev nyab xeeb dua thiab tau ntsib lwm cov neeg nyob ntawm thaj tsam ntawv. Muaj tshaj 70 tus neeg zej zog tuaj koom rau Neighbor's Night Out.

**SOUTHEAST**



Koog tsev tshiab Meadowood nyob ntawm Clinton thiab Armstrong muaj kwv yees li 6 xyoo tab si lawv ua tau zoo twb mus rhuav tshaj lwm tus txoj kev xav lawm. Pawg neeg zej zog tsim tau ib pawg hauv Facebook thaum neeg pib yuav tsev, twb muaj tshaj 170 tus neeg zej zog los koom lawm. Qhov no ua rau nws yooj yim dua rau cov neeg zej zog los sib paub sib txuas lus. Lawv tshaj tawm txog lus tseem ceeb, ceeb toom kev ruaj ntseg, thaum muaj neeg tsis nco qab kaw nkalas, cov tsheb coj txawv txav, lossis muaj tej yam txawv txav lawv ua siab dawb paug ib leeg saib xyuas ib leeg. Lawv tos nroov lub koom txoos ntawm lub zej zog kom muaj caij nyooq mus ntshib neeg zej zog tshiab.


**SOUTHWEST**



Southwest Tub Ceev Xwm McCarty tau hnov tias qee tus ntawm pab Gaston tub povpob football tsis muaj khau tshiab, yog li nws thiaj mus ntsuas lawv cov ko taw thiab yuav khau tuaj rau lawv. Lub 9 hli tim 13, Captain Landon thiab cov tub ceev xwm thiaj tau coj cov khau tshiab mus cev rau cov Gaston tub pov pob football, qee txhais tseem yog cov xim ntawm lub tsev kawm ntawv thiab!

**Fresno Police District Map**

<https://www.fresno.gov/police/policing-district-locator/>



**Fresno Police and Neighborhood Watch Mission**

Nws yog lub luag haujlwm ntawm Fresno Police and Neighborhood Watch Organization kom EDUCATE (muab kev qhia kev kawm), EMPOWER (kev txhawb zog) thiab ENGAGE (kev sib koom tes) nrog cov tswv cuab neeg zej zog los koom tes nrog ib leej lwm tus thiab nrog koom haum hauv nroog los txhim kho kev nyab xeeb thiab kev ua neej zoo rau cov neeg hauv peb lub zej zog



# CAPTAIN LUB CEG KAUM

**Cheeb Tsam 1**  
**Southwest**  
**Captain Landon**

**Cheeb Tsam 2**  
**Central**  
**Captain Beckwith**

**Cheeb Tsam3**  
**Southeast**  
**Captain Ramos**

**Cheeb Tsam 4**  
**Northeast**  
**Captain Horsford**

**Cheeb Tsam5**  
**Northwest**  
**Captain Martinez**



**Xov Xwm Los Ntawm Fresno Police**

**[Tus Thawj Coj Chief Paco Balderrama](#)**

**Kuv txaus siab los hais tias peb txoj kev koom tes nrog Fresno Police & Neighborhood Watch muaj zog li muaj tau thiab npaj tau kom txoj kev nyab xeeb nce hauv peb lub zej zog. Lub koom haum no txhawb zog tiag tiag thiab muab txoj kev sib koom tes rau peb cov tswv cuab hauv zej zog los ntawm kev tsim kho thiab txhawb kev sib raug zoo ntawm cov tub ceev xwm, cov tswv cuab hauv zej zog, cov koom haum, thiab cov lag luam. Txoj kev siv zog los tiv thaiv kev ua txhaum, muaj txiaj ntsig ntau dua thaum peb ua hauj lwm ua ke los txo kev ua txhaum thiab txhim kho peb cov zej zog. Kuv txhawb nqa kom txhua tus uas mob siab txog peb lub nroog kom tawm los koom! Koom nrog pawg Neighborhood Watch uas tsim muaj ntawm koj lub zej zog lossis tsim ib pawg ntawm koj ntiag tug rau koj lub zej zog. Cia peb txuas ntxiv tsim kom muaj kev nyab xeeb hauv Fresno ua ke!**

Kom



# Tom Ntej No

## KOJ COV FPNW BOARD OF DIRECTORS

### EXECUTIVE DIRECTOR

**MARY HASKIN**

### INTERIM PRESIDENT

**ELISHA HENDERSON**

### VICE PRESIDENT

**GLENNA GATES**

### TREASURER

**STEVE NOURIAN**

### SECRETARY

**MIKKI EVERETT**

### DIRECTOR OF MEDIA & MARKETING

**MANNIE CAMARENA**

### KOJ COV TUB CEEV XWM TIV THAIV KEV UA TXHAUM CAI FPD

#### Central:

CSO Danny Guzman

[Danny.Guzman@fresno.gov](mailto:Danny.Guzman@fresno.gov)

559-621-6244

#### Northwest:

CSO Marily Rendon

[Marily.Rendon@fresno.gov](mailto:Marily.Rendon@fresno.gov)

559-621-6530

#### Northeast:

CSO Kendall Cardoza

[kendallann.cardoza@fresno.gov](mailto:kendallann.cardoza@fresno.gov)

559-621-6425

#### Southeast:

CSO Beth Wicklander

[Elizabeth.wicklander@fresno.gov](mailto:Elizabeth.wicklander@fresno.gov)

559-621-6308

#### Southwest:

CSO Christina Hoemberg

[Christina.hoemberg@fresno.gov](mailto:Christina.hoemberg@fresno.gov)

559-621-6110

## Fresno Police and Neighborhood Watch Ntawv qhia hnub ntawm Zej Zog



Xyuas kom meej kom koj txhob yog tus neeg raug tsim txom, tsis txhob tso cov khoom muaj nqis kom neeg pom nyob rau hauv koj lub tsheb. Cov tub sab nyiam lub hom phiaj uas nkag thiab tawm yooj yim. Xauv qhov rooj. Muab koj cov khoom zais, qhov zoo tshaj muab cia rau hauv pob tw tsheb. Thaum nyob ntawm cov chaw yuav khoom, saib thaj tsam ntawm koj ib puag ncig thiab tsis txhob saib koj lub xov tooj ntawm tes. Nres hauv qhov chaw uas muaj teeb pom kev zoo. Taug kev nrog phooj ywg los yog tsev neeg yog tias koj ua tau. Yog muaj tej yam dab tsi los yog ib tug neeg zoo txawv txav, txav kom deb nws, thiab txav deb ntawm qhov xwm txheej.

Yog tias koj yuav mus txawv nroog, tsis txhob tso duab lossis muab qhia tso tawm hauv social media, yog koj xav tso duab, cia los txog tsev mam tso. Qhia ib tus phooj ywg los yog ib tus neeg uas koj ntseeg siab paub, kom lawv saib xyuas koj lub tsev thaum koj tsis nyob lawm.

Cov lus qhia txog kev nyab xeeb hauv zej zog.

HU RAU TUB CEEV XWM THAUM:

- \* Koj pom leej twg ua yeeb yam txawv txav
- \* Koj pom lub tsheb ua yeeb yam txawv txav
- \* Kev ua txhaum tshwm sim los yog twb tshwm sim tag lawm.

Nco ntsoov: Yog tias ib yam dab tsi txawv txav lossis zoo li tsis raug, tej zaum nws tsis yog. Qhia rau tub ceev xwm, cov neeg ua haujlwm ruaj ntseg lossis tus tswj hwm! Thaum nres koj lub tsheb rau txhua qhov chaw nres tsheb thiab ntawm koj qhov chaw nyob, nco ntsoov cov lus qhia hauv qab no txog kev ruaj ntseg ntawm cov tsheb: Lub tsheb tsis xauv yog qhov qhib caw rau tus tub sab nyiam tsheb. Kaw thiab xauv txhua lub qhov rooj qhov rais kom ruaj. Thaum koj nres koj lub tsheb, tshem tag nrho cov khoom muaj nqis, thiab coj tawm nrog koj. Txawm tias koj yuav nres ib pliag, xws li chaw sam roj tsheb, ATM chaw nrho nyiam, thiab lwm yam los nco ntsoov xauv koj lub tsheb. Yog tias koj lub tsheb muaj lub tswb, siv nws. Thaum yav tsaus ntuj/hmo ntuj, nres ntawm qhov chaw muaj teeb uas pom kev zoo.